



Kattusseqatigiit Partiiat

Januar 2012

UPA 2012/75

Inatsisartut suleriaasiata § 36-ia naapertorlugu matumuuna nassiuppara apeqquteqaat aallaavigalugu oqallinnissamut siunnersuut:

Inuit pinerluuteqarsimaneq pissutigalugu paarnaarussivinnut isertinneqartussaangaluit, kisianni inissaqannginneq pissutigalugu utaqqisorpassuit ilaasa isumakkiiginnarneqartarnissaannik danskit naalakkersuisuisa siunnersuutaat pillugu apeqquteqaat aallaavingalungu oqallisissiaq. Pineqaatissinneqarsimasut isumakkiiginnarneqarnissaat qanoq isumaqarfigineqarnerpa?

(Inatsisartunut ilaasortaq Knud Fleischer Kattusseqatigiit Partiiat).

Tunngavilersuut:

Naluneqanngitsutut tusagassiutitigut assut oqallisaavoq, inuit ilaat pinerluuteqarsimaneq pissutigalugu isertitsivinnut isertinneqartussaangaluit isertitsivinni inissaqannginneq pissutigalugu utaqqisorpassuusut. Aamma ilisimaneqarpoq danskit Naalakkersuisui nalunaarummik nutaamik atuutilersitsinissaq siunertaralugu Naalakkersuisunut nassiussaqsarsimasut. Taamaattoqsarimappat nalunaarutissaq nutaaq qanoq imaqarpa ? aamma taama pisoqassappat tamanna inuiaqatigiinnut qanoq sunniuteqarsinnaanersoq takorloorneqarsinnaanersoq ilanngullugu paaserusunnarpoq.

Kattusseqatigiit Partiianiit ersarissumik oqaatigissavarput, nunatsinni pinerlussimasunut isertitsiviit ukiuni arlalissuarni amingartuaannarsimasut, inuit eqqartuussivinni pineqaatissinneqareersimasut ilaasa isumakkeerneqarnerinnaasigut ajornartorsiut qaangerneqarsinnaasorinnginnatsigu. Taamaattumik isumaqarpungut danskit naalagaaffiat pisussaasoq, nunatsinni paarnaarussiviit naleqquttut aamma pisariaqartitsinermut naapertuuttut pilersittariaqarai. Tassami nalunngilarput, paarnaarussiviit ilai ima aserfallassimatingaat imaluunniit oqoqartingaat, tamakku ilai matuneqartariaqsarimallutik.

Aamma Kattusseqatigiit Partiianiit akuersarneqarsinnaanngittutut isumaqarfingaarput, paarnaarussivinni inummut ataasiinnarmut init naattorsuussat, madrassilersuinnarlugit inunnik arlalinnik inissiisoqartarnera, minnerunngitsumillu aamma arnat angutillu immikkut inissisimatinneqartarneranni ajornartorsiuteqarneq.

Neriuppungut oqallissaarupput oqallisigilluarneqarumaartoq.